



foto 1

PLACCHE DEGLI SPINOLA AL RIJKSMUSEUM DI AMSTERDAM

Se sa, quande niatri zeneixi semmo feua e vedemmo quar-cōsa che ne reciamma a nòstra çitæ, sentimmo o bezeugno de condividde a nòstra scovèrta.

Così, a nòstra sòccia Maura Malatesta, che a novembre a l'è stæta a Amsterdam, a l'è fotografòu pe niatri into Rijksmuseum questa vedrinna (foto 1) con drento çinque placche d'argento travagiæ a rilievo: feua gh'è scritto che raprezèntan epizòdi da vitta da famiggia Spinoa e che l'è fæte do 1636 Mattheus Melijn (1588-1653), o ciù famozo di argentè òlandeixi che inte quelli anni travagiâvan a Zena.

Into scito Internet www.fondazioneterradotranto.it se leze che queste placche ean e facce de 'n cofanetto grande ciù ò meno 65 x 25 x 40 citti, comiscionòu da-o Giovan Féipo Spinoa in ocaxon de seu nòsse co-a Veronica Spinoa.

E scene raprezèntan o matrimònio (foto 2), l'asedio da çitæ de Gulik (foto 3), a consegna de chiave de Breda a l'Ambrogio Spinoa (foto 4), l'Ambrogio Spinoa durante l'asedio de Cazale (foto 5) e a préiza de posèssu do feudo de Borgo San Pê a Galatinn-a (foto 6).

E fotografie de placche en pigiæ da-o scito do muzeo www.rijksmuseum.nl.

Pe savéine de ciù gh'è questo libbro de Farida Simonetti e Franco Boggero, *Argenti genovesi da parata tra Cinque e Seicento*, ed. Umberto Allemandi & C, Torino 1991.



foto 2